

集部別集類

總目一百五十六

宋洪炎撰

西渡集二卷

西渡集  
白石詩集



西渡詩集目錄

己酉歲十一月二十六日避寇至龍潭院十

二月十五日作



次韻鄭公實見贈二詩

寶峰讀駒父壁間詩次其韻

次韻公實感寓

次韻公實雷雨

次韻公實喜晴二首

馮太冲置酒即事用公實韻

山中聞杜鵑

寶峰筍用公實韻

公實示間字韻詩悵然有感次韻奉和三首

載酒同公實同過西園食枇杷次公實韻  
公實再賦枇杷之什次韻二首  
公實作暴雨詩次其韻

次韻即事二首

次韻野步

遊都梁山

四月二十三日晚同太冲表之公實野步

野步 石門中夏雨寒

次韻即事一首

嘗白酒用麴韻

庚戌歲六月四日至洪城舊廬無復尺椽悵

然傷懷用丙午歲遷居詩韻

病間和公實飲酒詩 戲和公實感秋對酒

次韻公實七月一日雨感懷二首

將去寶峰誦老杜更欲投何處賦五言三首

奕棋絕句四首

再賦奕棋五言八句五首

越王山二首

嶺雲

從寶峰長老惟足求貓頭筍

食榧子

十月十五日山中下視雲氣自山椒出已而

彌漫咫尺不辨巖谷戲成五言一首

十月十六日

南城鄧氏亭

遊麻姑山仙都觀

靜思院上元日二首

雲溪院

二月十二日偶成

信州逢寒食

題盛彥光邱壑軒

代簡呈信州李使君

曉發鵝湖

古田縣

次韻和古田縣丞方景南見惠詩

遊石鼓山湧泉院

石湖院

初食生荔枝

秋日登萬歲寺平遠臺次糜韻

戲次韻和了信上座

題團團圖

社日宇文德和送酒次糜韻

次韻許子大王豐父圓明送春之什

次韻許子大李丞相宅牡丹芍藥詩

福州程使君止戈堂二首

聞師川諫議至漳州作建除字詩十二韻迓之

坐上呈師川有懷駒父

師川見和再用元韻 鉛山縣石井院

初入浙中

初至臨安

予宣和中任祕書少監今再除前官喪亂後

見舊吏讀新書感歎有作

次韻曾仲共見貽之作

曾仲共示贈稽山虞君詩次其韻

次韻蕪公書馬券詩 立秋日上饒郡偶成二首

盛彥光次韻見和復用前韻因以自歎

夢中作四言用前韻 再次四言韻

再次四言韻 秋分日偶成

曾仲共和予春日登滕閣詩蓋舊詩也復次韻

蠟梅 人日

鍾乳

葉少蘊出示鄭先覺閱駿圖為作長歌

和曾仲共大風折木歌

楚州阻水漲懷汪信民呂居仁四言

奉送駒父師川二郎中赴召四言

遷居 次韻公實與用中夜話

西渡詩集目錄

西渡詩集

江西詩派

洪炎玉父

己酉歲十一月二十六日避寇至龍潭院十

二月十五日作

徑轉橋橫水林深寺據山鐘魚告闕寂松竹媚孱顏  
避地欣有託依僧成暫閑東歸路不隔片隴雲還

突兀山椒寺披榛二百年刹從吾祖卜席是里僧傳溪

送無盡水林供不斷煙囊中有餘粒偈息且安眠

潭黑蛟龍宅山青虎豹林隱憂何日了淹泊見冬深

薄雪恨還積疎梅冷不禁平生一尊酒衰疾廢孤斟

殺氣纏中土，妖徵出秦階。架橋凌禹穴，投策暗秦淮。匪  
兇歌何苦，非熊願亦乖。申胥雖有淚，無地寄予懷。  
宵旰憂雖切，咨謀策靡長。築壇推騎劫，假節得靡芳。  
已矣重江險，哀哉古豫章。蓬茅今在否，矯首恨難忘。

次韻鄭公實見貽二詩

鄭侯風槩似虞薰，醉飽初疑對苾芬。一日君嘗南浦  
水，六年我踏寶峰雲。詩情賦物已聞命，山色溪光倘  
見分。羣盜何曾念，王粲相逢聊喜見斯文。  
百濯生香真寶薰，中泠取水挹清芬。素娥影落秋宵  
月，白鶴翎翻春晝雲。俗客來依禪客住，林花自與雨

花分扶傾不假迂，儒力敢倚筆端能綴文。

寶峰讀駒父壁間詩次其韻

兔迹通一線，筍輿度千尋。隔林見潭影，迎客有鈴音。  
梵唄出廣殿，飛舞來珍禽。履此勝絕境，一清塵慮心。  
仲氏趣玄遠，造誼非尺尋。誰云干戈際，獲覩金玉音。  
七  
日南山霧，一鳴幽谷禽。依然拂塵壁，愁絕見予心。

次韻公實感寓

求田問舍轉頭空，十口無家寄粟蓬。失得自憐嬰世  
網，是非都欲問天公。綿綿不解溪邊雨，淅淅無情松  
下風。賴有詩人排悶作，且吟佳句任窮通。

次韻公實雷雨

驚雷勢欲拔三山急雨聲如倒百川但作奇寒侵客  
夢若為一震靜胡煙田園荆棘謾流水河洛腥羶今  
幾年擬扣九閩牋帝所人非大手筆非椽

次韻公實喜晴二首

凍雨連三日春膏過一犁寺橋杯渡水村徑橈行泥燠  
若生暘谷寒收豈石屏欲窮洪範理夕室有青藜  
持壁還投鵲鎔金恨作犁行吟乘曉日扶杖入春泥  
願學懷文豹終慙禿角犀徒歌無好語野飯只羹藜

馮太冲置酒即事用公實韻

故人同客寓蕭寺近清明春事一尊酒夜闌三尺檠  
風流孔北海文字漢西京苦勸加餐食年來太瘦生

山中聞杜鵑

山中二月聞杜鵑百草爭芳已消歇綠陰初不待薰  
風啼鳥區、自流血北牕移燈欲三更南山高林時  
一聲言歸汝亦無歸處何用多言傷我情

寶峰筍用公實韻

繞寺千林筍高低逐澗邱參差舒鳳尾突兀長貓頭  
入鼎資甘脆殘林且罷休會湏堪小艇裁作海乘浮  
公實示間字韻詩悵然有感次韻奉和三首

晴暉生嶼雨生寒朱夏陽春季孟間斷雁哀猿金馬  
客落花流水石門山早知蟻穴成何事欲掉漁舟去  
不還昭氏有琴無作止虧成都任一機關  
輟哭人歌行路難畏人無地出人間欣逢似海孫賓  
石猶是江南庾子山野草離離隨意綠羣鳧散泛倦  
飛還一川煙草松蘿外何處梯雲叩九關  
此國非燕南趙北我琴無濮上桑間勞生聊作夢中  
夢苦語莫酬山復山觸石白雲數峰起照人明月一  
鈎還德星已為首陳聚紫氣休浮函谷關  
漢末童謠燕南岳趙似際中央不合大如

礪唯有此間可避世

載酒邀公實同過西園食枇杷次公實韻

有美枇杷子三珍共一時朱櫻梁苑早盧橘蜀都遲  
載酒寧辭病窺園似好奇酬君要佳句從古未題詩  
公實再賦枇杷之什次韻二首

連雲葱蒨外佳樹枇杷林味極東南美恩藏雨露深  
山夫琢栗玉谷鳥避丸金永日羈棲意茲焉一慰心  
醴醑尊中酒枇杷雲外林甘飡千顆盡軟語一盃深老  
境宜扶杖交情得斷金遺民伐荻去真處即吾心  
公實作暴雨詩次其韻

民生唯播殖天意在農深一夜盆傾雨千家粒食心  
知時占聚蟻催種有鳴禽喜是田間語青、刺水鉞

次韻即事二首

自愧山林士來炊蕭寺煙怨驚寄猿鶴飛躍任魚鳶  
咄、空中字昏、醉後眠擒文非孟子何以差狂顛  
寄榻逢僧夏登場喜麥秋一風將浹日四月尚重裘去  
矣吁何及歸歛幸少休雨晴寒自戢桂魄更添愁

次韻野步

意行無遠近山徑自橫斜煙月生晴嶺風幡接暮霞  
影歸巢暮燕聲散宿林鴉展履相隨處僧垣即是家

遊都梁山

風吹古汲口雲滿都梁山執熱厭偏仄幽尋上孱顏  
清泉似石乳滴瀝巖竇間乞此一瓢飲為祛千載煩  
山靈知我意殷然下曾巒散空作急雨扶石出甘寒  
一酌蕩齒頰三咽縈肺肝輕軀變滯骨塵鞅思靈關  
來當踏雲至去當御風還再拜謝神休幸汝不我攀  
四月二十三日晚同太冲表之公實野步  
四山轟、野田、近是人烟遠是村鳥外疎鐘靈隱  
寺花邊流水武陵源有逢即畫元非筆所見皆書本  
不言看揀秧栽欲忘返杖藜徒倚到黃昏

野步

散策尋溪偶緩行，羈棲愁眼忽雙明。  
非烟幕，平蕪合倒影層，遠翠橫。  
鷗鷺低飛映山去，江湖一諾百金輕。  
直知己造洞天內，身在人間却自驚。

石門中夏雨寒

五年胡騎穢中原，四月江南尚薄寒。  
八月誰能移太白來朝，我亦見呼韓。  
灌壇風雨行將戢，陋巷簞瓢且自寬。  
紅日再中天，地正泥塗不辱漢衣冠。

次韻即事一首

端居入夏愁更新，不數多愁過一春。  
躡虛難同若士

去取醉但與索，即親朝天幾日車。  
同軌擊地共唱胡無人，自許世才非管樂。  
聊將心事比雷陳。

嘗白酒用糜韻

竹葉榴花久擅場，一尊雲液勝椒漿。  
人唯任達常中聖，藥自消憂不作狂。  
滿泛冰甕無別色，錯斟瓶水有真香。  
祇應剩醞逡巡酒，始耐仙山日月長。

庚戌歲六月四日至洪城舊廬無復尺椽，悵然傷懷用丙午歲遷居詩韻。

南州一炬火，我歸無所歸。  
六月下鷺湍，一葉正復欹。  
空城何所有，城闕雙闔扉。  
遺氓四五輩，矐眙蟲鳥棲。

潭、大都府灰滅餘空基委重者誰子汝輩凡且卑  
螻蟻傾民命泥沙捐國貨犬狼肆噬嚙毆逐乃其宜  
胡為使羣吠如惡草蔓滋哀哉三萬室鍾此百六期  
故居不可識將是復疑非階前千種花自憐託根微  
露草相對泣吟風作悲詩人言城門火魚禍自靡遺  
我亦無淚哭且復一解頤

病間和公實飲酒詩

憂每傷人、亦憂花蒙兩眼雪蒙頭干戈滿地不可  
觸簾笠為家何處浮秋入鳴蟬催暑去酒如凝露與  
清謀寫成庾信江南賦更續相如老倦游

戲和公實感秋對酒

青山愛客長青眼白酒知時泛白雲少日悲歡才一  
瞬中星寒暑又平分稻梁狼籍餘棲畝雀鼠穿窬自  
立勳一葉已驚秋意早映階黃落更紛紛

次韻公實七月一日雨感懷二首

平生離俗得閑多素髮驚秋奈老何賓從盤飧唯白  
石意行供帳有青蘿御風獨往松三徑踏月空歸雪  
一簑短布單衣窮至骨醉吟不作飯牛歌  
日、愁隨萬緒多遣愁不去若愁何文書引睡緒黃  
卷福地求生訪綠蘿酒馱銀瓶聊注瓦衣辭錦襖却

披蓑五更風雨作金石助我貫珠商頌歌

韋莊蜀程記入嘉陵道上如行青蘿帳中

福地記武陵有綠蘿福地與桃花源相接

將去寶峰誦老杜更欲投何處賦五言三首

更欲投何處乾坤老病身窮愁但有骨棲泊渺無津

巖穴探幽數人烟隔幾秦驅車上九折回首想傷神

更欲投何處窮猿不擇林低回竹柏語慘戚鍾魚心

邑，出門淚行，度嶺吟西江如可吸在處海潮音

更欲投何處仙山不可窺欲尋吳許跡默與綺園期裏

飯隨妻子清秋問路歧神真有汲引逸駕或容追

奕棋絕句二首

新秋遣悶只圍棋病不銜盃亦廢詩對局蕭然兩無

語箇中君子有爭時

鷺落寒江鴉點汀晴牕飛電擊槃聲方圓動靜隨機  
見清簾疎簾眼倍明

又

白日惟銷一局棋攬棋還誦李侯詩傍觀不作千年

計會有局成柯爛時

茶局醒心過博局碁聲娛耳勝琴聲少年此戲殊不

惡坐隱時聞夜達明

再賦奕棋五言八句五首

荆璞玉為子井文楸作枰有求唯別墅不喜得宣城  
跣足飛鳶墮丁，伐木聲破愁逢一笑無地著虧成  
祇園三日雨碧澗一枰秋試問酒中趣何如林下幽從  
它著虎口尋我鎮神頭唯悟爭先法當機與手謀  
不作丹朱戲難禁清書長敢言白玉局聊取紫羅囊  
道空傳記乘除自有方兒童爭畫紙漫學老夫狂  
眉山非快手奕勝亦欣然變態一翻覆幾微繫後先陶  
公慮太過雪女慧堪憐張弛誠吾道斯文許尔賢  
凝神迷遠躅致一有全功皎、婦姑月冥、鴻鵠風置

君愚甯子議樂晒温公誰謂商山老飄然到橘中

越王山二首

朝登萬仞岡夕宿雲霞間越王昔何時稅駕宅此山  
顛有石室險絕未可攀烟樹相映帶尚想颼輪還文  
吳二仙子騰蹕跨兩班俯仰五百秋下視悲人寰王  
室久蕩析世路方孔艱我卜真人居荷鋤又蓬管林  
泉依福地樵汲闔靈關庶以遠兵革返茲後口顏  
越王名茲山無復車馬跡絕頂有佳處軒然大盤石  
靈洞閔其中神池蕩其側雲氣朝夕生合散一瞬息  
吾門王子搜隱遯辭越國王輿去不返丹穴鏤荆棘二

仙出季世故老猶記識遺蹤  
落人間不□傳寶墨  
我晞伯夷清願作老聃  
役脫身埃壙外  
抹喝□三益

嶺雲

吾居半山上繞屋猶峻嶺  
舉頭即見之坐卧作墻屏  
忽復不可求瀕洞雲萬頃  
初疑岼谷變身不踐人境  
俄頃如故常突兀在屋頂  
隱見須臾間變態莫記省  
烟霞成痼疾終日常烟  
早聞金丹訣未辨卜竈井  
世亂一邱壑斯志或可騁  
鳴猿落空巖蒼鶴颺晴影  
石泉漱芳潤草木皆秀整  
洞天有歸路未往心已領

從寶峰長老唯足求貓頭筍

不識貓頭筍還思馬祖山  
庭蘭生舊茁綉錦換新斑  
蘊玉爭懷寶登盤想飮餐  
分甘瀕剝劇遠助一瓢簞

食榧子

若石榧資彭糧榧實伐彭兵  
三彭穴身中各以尸自  
名伺隙戕所託雖盱為已榮  
仙山無凡木榧林高且清  
八月實纍纍斗量亦囊盛  
盈盤得恣食不與汝糧并  
嗟汝小黠尔安所逃汝生蚤  
讀黃老書五牙漱琅英  
雖微玉山果知汝久已行喪  
亂食不足長飢病所嬰  
蟠桃未能致橡栗庶可營  
作詩頌子榧期子以主盟  
十月十五日山中下視雲氣自山椒出已而

瀰漫咫尺不辨巖谷戲成五言一首  
一歲下元日千山小雪天雲層生遠壑雨掄割平川  
放牧虛橫吹樵蘓樂靜眠遙知載酒客無路到齋前

十月十六日

雲氣依然合山蹊舊不通壑鹽猶可問牢醴頓能空  
細覓泉聲外疎籬犬吠中無人披宿霧採藥過龐公

南城鄧氏亭

小麦青、山一曲江南千里傷春日盱眙江頭喚渡  
人遙指麻源第三谷裹藍包飯各怨、回首烟霞樓  
觀中詩成更覓羊何和猶是前身內史公

遊麻姑山仙都觀

泥露出南郭遵塗盼西嶺幽尋不憚遠陟巘造殊境  
懸瀑瀉天路高齋跨參井麻姑固神人上下凌倒景  
逸駕不容追遺蹤搏塵影仙壇獨巍然鮮蝕此山頂  
古屋鳴鳩鷓汙池育蛙黽葛嶺有異同源委邈難省  
空餘豐碑字款若猊驥騁永言賞心遇所樂塵務屏  
濯纓欲自孔斲鼻還思郢安得斯人徒置論挈裘領  
聖真豈遠而烟、金在鑛九淵孕明月七返閱神鼎  
至道如可求汲深願修綆

靜思院上元日二首

麻姑山棹越王山憶昨下元今上元  
老去休驚長客寓春來不擬問  
田園畏途豺虎中原近挾日風雲  
四海昏夢遠瀟湘無落處憑誰楚  
些與招魂欲趨巖蹕萬重山  
且酌清尊慶改元穡事何時銷  
劍戟賢書不用到邱園傷心華  
屋燈如晝觸眼荒塗犬吠昏  
今日江東須管仲可憐窮寢尚  
遊魂

雲林院

水竹依山住煙霞並舍分  
愁添中夜雨冷浸一溪雲  
滿目干戈地關心鳥獸羣  
歸途如可問猛犬莫猜

二月十二日偶成

金溪東行二十里高即登山下臨水亂山中斷水橫  
流水際招提對山起丹青像設半泥塗野僧一飯無  
鐘魚散策閑尋蕨筍芽密林時逢桃李花

信州逢寒食

客行寒食路春晚上饒城野寺鳥鳥樂山蹊荆棘生  
人隨乘雁集地隔一牛鳴俛首征途內官曹何日清  
題盛彥光邱壑軒

盛子卜居南澗濱開軒自比葛天民  
一邱一壑有能事三浴三薰無俗塵  
閑逸人同執射偶逢漁父亦垂綸  
此軒成毀吾何預畫著巖間恐未真

代簡呈信州李使君

萬斛誰能破客愁一尊風味乏醇醲中丞自許憐漁  
父甬上無端住督郵必使索即頻有顧也知歡伯解  
消憂蘇州刺史詩盈卷還憶山僧冷病不

曉發鵝湖

萬松參嶺路千畝勸春耕不復紅鵝下空餘碧澗橫  
佛肩穿縹緲仙馭鎖崢嶸道釋分殊境籃輿許我行

古田縣

勾吳於越通舟車南走甌閩城百餘鑿山架橋窮與  
區班春不行猶一墟此邦自與桃源並不能深藏

人境五百年間閱戰爭淳樸散盡狙詐生

次韻和古田縣

疎慵我似海鷗閑文彩君如霧豹斑不省流離思樂  
土深知鄉往愧高山低飛乳燕聲相接小叩華鯨夢  
亦還共看圍棋欲終日忘年初在立談間

遊石鼓山涌泉院

昔聞石鼓鳴今作石鼓遊擊拊久已息甲兵殊未休  
精廬莊嚴海百室雲霧浮維時當長夏蕭颯如涼秋  
高岬不見日老木枝相樛靈泉發嵌竇窳下注千仞溝  
向來經行人頗以名字留俯仰百年內磨鏤遍巖幽

石橋可坐卧清絕無等儔衆山合沓來響答相獻酬  
雖逢會心欣一作適未弭當世憂不知精山上復有勝處  
不穴飛尚東巡狐兔穴中州戈鋌塞河洛冠蓋集閩甌  
墮此吠雪國烈火爛不收炎飈方焚輪赫曦欲停舟  
微生類焦穀茲焉得依投一乘凌風翰濯纓天漢流

石湖院

古木參天水一溝潮來曲折可藏舟招提密映晴嵐  
起滄海潛通夜氣浮丹荔薦盤驚似客赤鱗供饌識  
炎洲却疑江左知名士不作乘桴浩蕩游

初食生荔枝

六月寓閩山初逢荔子丹皺紅分顆、凝白作團、品  
目誠無限珍甘擬亦難不勞走馬使安坐得加餐  
獨擅東南美誰如十八娘笑顰俱有味朱粉不迷香璫  
璨珠生掌清冷露入囊風流酒第一飮座每難忘

秋日登萬歲寺平遠臺次摩韻

山川信美自愁多嶺海途窮可若何倦客難尋越絕  
記畸人但唱郢中歌天香不入伊蒲塞佛水猶開優  
鉢羅還是浮雲辭白日鳳皇臺上一經過

戲次韻和了信上座

天公下觀戲魚龍分披敦物隳岱宗塵沙欲枯罔嚮

眼酒醴難澆磊塊曾會稽之南曰閩海京行萬里因  
雄風二兇得邑古長樂意擬分治三山中門張雀羅  
即我室吊影不識求羊蹤擔簦挾卷者誰氏捉筆言  
詩有此公紛、道旁皆杏李辛酸交攻無復理入林  
初聞蒼葡萄香知味自覺醞酎美今時杜陵見老人地  
日揚休望吾子我觀蓬壺繞一水相柏羅浮相對起  
赤鳥銜符得寶書青鳥拂簷來報喜君能無事如懶  
殘吾見倘不慙張底

題團藥圖

一老滅塵慮七見同靜緣境超法界觀身作地行仙

男女非殊相丹青亦浪傳襄陽聚首話猶是在家禪  
社日宇文德和送酒次縻韻

羈游苦似澤藏山老境難希藥駐顏日、尋春穿窵  
窵行、止渴漱潺湲忽逢歡伯來傾盞無數愁城盡  
斬關多謝天公愛狂客九衢忙裡獨偷閑

次韻許子大王豐父圓明送春之什

鷓鴣能愁物外人芳菲聊借夢中身要知瓊刃非凡  
骨信有金庭不盡春伯雅相將浮鴨綠素娥應共踏  
蟾銀休驚麗句同仙授王許從來侍帝宸

次韻許子大李丞相宅牡丹芍藥詩

山丹麗質冠年華復有餘容殿百花看取三春如轉  
影折來一笑是生涯綺羅不如傾城色蜂蝶難窺上  
相家京國十年昏病眼可憐風雨落朝霞

福州程使君止戈堂二首

甌山閩海兩高深幕府同開闕古今堂筵止戈賢守  
意郡名長樂聖君心行看鑄劍為農器卽有飛鷄集  
泮林此日東南是洙泗喜聞弦誦發清音  
跳梁山谷有頑民電掃風除一聚塵排闥江山千里  
眼滿庭桃李四時春定知當宁思龔遂政恐攀輿借  
寇恂誰是諸侯老賓客酣歌應許杜陵人

聞師川諫議至漳州作建除字詩十二韻迓之  
建武下記書海嶠識明主除吏得陽城所喜逸民舉  
滿腹懷經綸筆間含露雨平生相期心中興爾乎取  
定交自疇昔契濶及再暑執熱于南來五月憩漳浦  
破啼謀一笑預置風月俎危言倘可陳正學當盡吐  
成虧在頃臆得失宜熟數收功謝王魏取道亦傳呂  
開茲衆正路慰彼蒼生苦閉關拒他盜拂塵招巢許

坐上呈師川有懷駒父

上坡諫議立清班入奉威顏咫尺天仲氏三山久懫  
悴微君五嶺亦迤邐欣逢白鶴歸華表更想黃熊出

羽淵客多一尊雙淚落相陪里社復何年

師川見和再用元韻

河洛中秋已凜然甌閩八月尚炎天方懷許國忠言  
切不計歸途道里邇子產未能忘季札太阿應必待  
龍淵樹人樹木有明算誰謂百年同十年

鉛山縣石井院

丙年再踏鉛山路今日初嘗石井泉碧玉巖邊淪湯  
餅全勝五鼎擊肥鮮

初入浙中

松竹籠官道牛羊食野田山低送客蕩水遠含天乍

聽吳兒語初逢僮父船平生足未歷聊以慰華顛  
我生豫章汭游宦在京華百粵非吾土三吳亦爾家客  
星巖瀨釣西子越溪沙一洗晦昏眼如乘上漢槎  
山村柿栗熟客舍稻梁秋池足能言鴨蹊多喘月牛  
如聞息戰鬪剩欲起歌謳鼓楫臨江誓誰為祖豫州

初至臨安

頻預石渠選慙飛行秘書無才甘引避守拙待新除  
便闕日星宅朱門卿相廬多聞定何益不得一椽居  
予宣和中任秘書少監今再除前官喪亂後  
見舊吏讀新書感歎有作

再入蘭臺逢舊史重遊東觀閱新書十年謫去常憂  
鵬萬里歸來亦食魚江右未容追第一體中猶得問  
何如家徒四壁今無屋誰為君王奏子虛

次韻曾仲共見貽之什

地僻逢人喜官閑通客通國容開冊府天步邇行宮  
僖父扶携裡吳山指顧中相看供老大歸乘莫息

曾仲共示贈稽山虞君詩次其韻

名高有定價虞子獨難諧臺閣頻虛席溪山自放懷  
鳴蛙當樂部行柳作街排欲汎扁舟去應容賀老偕

次韻蘓公書馬券詩

漢入莎車得象龍誤隨分賜馬羣中跨驢誰念少陵  
老徒步獨憐諸葛公縱使飛潛俱物役何如生死與  
人同憑君閑阜藏書券長作高山仰德風

東坡以賜馬遺李彥作券使貸之子由以  
詩跋其券尾彥子以示予為繼和

立秋日上饒郡偶成二首

承明非厭直哀病自投開江漢蒸炊內盤盂嗒哈間  
層冰萬里夢謁帝九重闕願借搏風翼追遊物外山  
平生逃暑飲病著不濡唇熨齒甘瓜冷流匙香粒勻  
加飧雖意以對案已眉顰却歎廉頗老猶為善飯人

盛彥光次韻見和復用前韻因以自歎  
星織鳥同織鷄閑鷗亦閑問君離俗久何事落人間未  
伏秋無雨殘歎書掩閑寒泉聊洗耳清冷似吾山  
涼颼將透齒烈火謝煇肩壁織梭、應簷珠顆、勻隱  
憂成獨樂淺笑拚深顰更上藐姑射問途冰雪人

夢中作四言用前韻

事有怕愛語分忙閑左右前後外內中間青雲干呂  
紫氣浮闕五星東井微巫似山  
鴟、珍腿猩、美肩醜齋調適勻藥和勻老商嘻笑  
西施解顰倦兔若士醫桑餓人

再次四言韻

執虎入圈繫驥在閑志六合外身十畝間組繫單于  
泥封函關樂我叢桂淮南小山  
魯兄衛弟虞齒孰肩倚伏相因否泰惟勻履茲艱虞  
慎厥笑顰水清見石天定勝人

再次四言韻

入聖有域存誠以閑德不德上材不材間堂上不糞  
門設常閑鄙哉邱垤覆篲為山  
編貝皓齒含朱絳肩甄陶圓熟琢削細勻不笑不言  
倚席以顰商略以此為若而人

秋分日偶成

洪崖山下一臞儒碧玉巖邊抱病夫  
永日俯然無復事人欺憔悴鬼椰榆

曾仲共和予春日登滕閣詩蓋舊詩也復次

韻

西江東畔見江樓江月江風萬斛愁  
試問海潮應念我為將雙淚到南州

蠟梅

見江樓下蠟梅花香撲金尊醉落霞  
獨倚東風如夢覺一枝春色別人家

人日

開歲逢人日吾衰不夢周家書生遠  
恨客舍起離憂朔雪驚南服江梅笑隴頭  
誰能結綵勝一為散春愁

鍾乳

鍾乳宜為粉扶衰老所及絨藏鴉管細  
治鍊玉鉅堅石髓誠難值雲腴恐浪傳  
刀圭聊已亦未敢議真仙葉少蘊出示鄭先覺閱駿圖為作長歌

丹青得名曹將軍畫馬已成無復人  
諸生韓幹文肉法絕足亦傳沙苑真  
儒林望即李公麟曹韓復生能與隣  
心曾可納天西極紈素頻空冀北羣  
鄭生晚識

李侯比自許華端輕萬里山川初出大宛城翰墨猶  
沾渥洼水汗血歆沙指顧間霧鬣風鬣卷中起戲口  
十馬皆龍材前有飛黃後山子葉公好尚有祖風苦  
愛真龍似畫龍千金不惜市駿骨睥睨神物秋豪中  
英雄嘗聞妾換馬意氣欲將詩換畫詩工畫妙兩岨  
奇如量馬觀未論價公詩自是生驂騮恨公不身親  
李侯向來曹韓空白頭

和曾仲共大風折木歌

疾風岌業土囊口陽岨中裂陰岨吼南山高木大百  
圍頃刻剪伐如斷臼修枝偃蹇擲龍蛇直隸崩山塞

巖岫干雲蔽日掃地空掣電奔霆翻覆手山靈掩泣  
惋惜深匠石含悲涕淡久折臂而公黔而王精金當  
鎔玉當剖斷木刻為浮海航路指銀河上牛斗委餘  
猶得宮殿材環細亦蒙梁棟取萬之舟可弗論大  
厦併懔此馬有狂飈卷空欲奚為壽槩金石長不朽  
天生大才將有用乖逢相因孰先後嗟尔軋楓與枯  
柳摧杙為薪尚誰咎

楚州阻水漲懷汪信民呂居仁二士四言

大江似理長淮西涘厥隩射陽城邑嶽峙鑿渠而漕  
首淮江尾舳艫岒峨連檣千里青雀翩、彩虹疑、

策蹠舟踏限茲潢水昔我至此得二國士單瓢相樂  
汪呂凡子于今幾年乖隔生死梗汎萍飄乃復于此  
菱花淨吐鷺羽徐起如欲我留眄睐以喜俯仰山川  
感念成歎一瞬千古寓非予恥

奉送駒父師川二郎中赴召四言

火中暑退庚伏在婁赫熾方炎金石欲流之二大夫  
服章紉文昌臺即抵命是憂中江有舳中涂有輶  
風檣雨較長夏為秋白雲在天萃如巖邱倏忽西東  
不我告謀翩者鵠俯矚魚游將逝復止鵠影河洲  
嗟予去國三葛于休止車生耳永謝鳴騶揮袂江干

長嘯林幽

遷居

從宦三十載故山凡幾歸昔歸尚有屋再歸已傾欹  
今歸但高木竹落荆薪扉上為烏鳥都下為犬雞棲  
相彼東北隅三畝以為基積塊與運甍實窪而培卑  
成茲道旁舍空我橐中貲堂室取即安戶牖適所宜  
嘉樹三四株當牕發華滋馨香入懷袖似與遷徙期  
我今六十老豈不知前非咨謀愚見摛就列筋力微  
竊食奉祠祿永負伐檀詩松楸幸在望隣曲不見遺  
葛布隨里社庶以保期頤

次韻公實與用中夜話

賢哉鄭圃客去為五漿  
鷺解榻棲雲表開牕納水聲  
忽逢京國舊相對夜燈明  
歎息胡証老猶思摘鉄漿

西渡詩集終

右傳青芝山堂影末本玉父為山谷之甥元祐末嘗第收著作祕  
書少監主聽審對上曰世人皆辭于心臣獨辭于耳心則了唯上  
可使及心事免復叔少監與民臣父姻駒父舅弟鴻父相稱四洪鴻父  
多傳別本附載龜父詩九首駒父詩二十四首襟文二首此本名之末出為  
本名也戊戌青朔日故菴湯士記



